

آبونه اولوق ایستینلردا اثره عدلیه ده
اداره مخصوصه سنه مراجعت
ایتملیدر

اعلاناک بهرنندن بر مجیدیه اخذ
ایدیلور

نسخه سی ۴۰ پاره در

تَبْلِغَات

ملکی در سعادت ایچون مجیدیه
بکری فروش حسابیه التمش
ضروندر

طفره ایچون بوسته اجرتی اوله رق
اون بش فروش ضم اولنور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه متعلقدر

تَبْلِغَات

۶۳۴ نومرولی نسخه ده مندرج پولیس

نظامنامه سنک مابعدی :

۲۹ ماده در سعادتده پولیس قومیسر لکی
ویا قومیسر معاونلکی آچیلدقه منسوب اولدینی
متصرفلقجه ویا پولیس مدیرلککنجه اداره سی داخلده
اولوق اوزره آچیلان پولیسک سر قومیسرک ویا
ایکنجی قومیسرک ایسه مادوننده کی صنفده بولنان
قومیسرلرک و اوچنجی صنف قومیسرک ایسه قومیسر
معاونلرینک و قومیسر معاونلکی ایسه پولیس
مأمورلرینک اهلیت و قدم اربابندن اولانلری یرلرینه
بالتفریق کینه لرینک لقیله ضبطیه نظارتنه باتذکره
اشعار کیفیت اولنهرق هیئت انتخابیه جه اشوق قومیسر
ویا قومیسر معاونی ویا خود پولیس مأمورلرینک اوتوز
اوچنجی ماده ده کوستریلان شرائطه توفیقاً امتحانلری
بالاجراک زیاده ابراز اهلیت ایدنلر انتخاب و تعیین
اولنه جقدر .

۳۰ ماده ولایات والویه ده آچیلان قومیسرلکه
اوراده مستخدم قومیسرلردن صنفجه آنک مادوننده
بولنانلرک و اوچنجی صنف قومیسرلکی آچیلدینی
حالده قومیسر معاونلرینک و قومیسر معاونلکی منحل
اولورایسه پولیس مأمورلرینک اهلیت و قدم اربابندن
اولانلری یرلرینه بالتفریق اداره قومیسرلرینک
حضورنده اوتوز اوچنجی ماده ده کوستریلان شرائطه
توفیقاً امتحانلری اجرا و مجالس اداره جه تدقیقات
مقتضیه ایضا اولنهرق اک زیاده ابراز اهلیت ایدنلر
انتخاب اولنور .

۳۱ ماده ماده سابقه موجبجه تفریق و اشعار
اولنان قومیسرلرک و قومیسر معاونلرینک اوراق
امتحانیه و انتخابیه لرله ترجمه حال ورقه لری با مضبطه
ضبطیه نظارتنه ارسال و هیئت انتخابیه جه تدقیق
ایدیلرک موافق اصول وقاعده کوردلکی حالده انتخاب
واقع تصدیق اولنور عکس حالده اسباب موجب سنک

بیانیه رد ایدلمکله برابر در سعادت و طشره دن انفصال
ایدوبده بر کونه ایلشیکلری بولنمیان وجواز
استخداملرینه هیئت انتخابیه جه قرار یریلانلردن
مناسب کورینانلر تعیین اولنور .

۳۲ ماده پولیس مأمور و قومیسر معاون
و پولیس قومیسرلرینک ترفیع صنفلرندده ضبطیه نظارتی
هیئت انتخابیه سنجه بر انتخابیه تنظیم و رئیس واعضا
جانبندن مهر ذاتی ایله تحتم اولندقدن صوکره ضبطیه
ناظری طرفندن بالاسی بیورلدی ایله تصدیق و محاسبه جه
قیدی اجرا اولنهرق صاحبه یرلمک اوزره انتخابیه
تذکره ویا تحریرات جوابیه ایله محله ارسال
اولنه جقدر .

۳۳ ماده پولیس قومیسرلری پولیس نظام -
نامه سیله اکامتفرع اولان نظاماتدن اصول محاکمات
جزائییه قانوننک ضابطه عدلیه قسمی ایله جزا قانوننامه
هایونندن امتحان اولنه جقدر .

۳۴ ماده ولایات پولیس مدیرلری ایله الویه
غیر ملحقه پولیس سر قومیسرلری ضبطیه نظارتی هیئت
انتخابیه سنجه انتخاب اولنه جق و ولایات والویه غیر
ملحقه جه احوال محلیه و قوفلری و اهلیتلی بولنان
قومیسرلردن ولایات پولیس مدیریتنه ویا الویه غیر
ملحقه پولیس سر قومیسرلکنه تعیینی انها اولنانلر
هیئت مذکورجه نظر دقته آله جقدر .

۳۵ ماده ماده سابقه موجبجه انتخاب اولنان
ولایات پولیس مدیرلرینک مأموریتلری بالاستیذان
شر فصادر اوله جق اراده سنیه حضرت پادشاهی
اوزرینه اجرا اولنور .

۳۶ ماده پولیس سلکننده منحل وقوع
بولدقه آچقدن ترفیع اجرایی قطعاً ممنوعدر .

۳۷ ماده پولیس مأمورلرینک ایکی سنه
خدمتلی سبب ایتدکجه ویا خود بعض اعذار
مشروع لری ثابت اولدقه استعفالی قبول اولنمز .

۳۸ ماده پولیس قومیسر و قومیسر معاون
و پولیس مأمورلری اوچ ماهدن زیاده حبس جزاسنی
مستلزم جنحه وعلی الاطلاق جانیله محکوم اولدقلری

تقدیرده پولیس سلکنندن اخراج اولنه جقدردر .
۳۹ ماده پولیس قومیسر و قومیسر معاون
و پولیس مأمورلرینک اسم و شهرت و مملکتلریله بلوک
و نومرولری و تاریخ دخول و تعیینلری حقنده کینه
اصولی اوزره قید طوتیه جق و پولیسک بالجله
معاملات حسابیه و قیودیه سنک مرجعی ضبطیه نظارتی
محاسبه سی اوله جقدر .
۴۰ ماده یالکز قومیسرلر ایله قومیسر معا -
ونلرندن ترجمه حال ورقه سی اخذ و تسجیل ایدیلرکی
کی قومیسرلرک و قومیسر معاونلرینک و پولیس
مأمورلرینک تقاعدلری ده ملکیه تقاعد نظامنامه سنه
توفیقاً اجرا اولنه جقدر .

ایکنجی فصل

پولیسک لوازمات و مختصاتی

۴۱ ماده پولیس قومیسر و قومیسر معاون
و پولیس مأمورلرینه طرف دولتدن اصولی وجهله
البسه رسمیه یریلور مأمورین مومی الیهیم و یریلرک
البسه بی حسن استعمال ایتمکه و البسه نک میعاد
ختم بولمقسزین بولنردن انفصالی وقوع بولانلر
البسه بی عیناً اعاده ایلکه مجبوردر .

۴۲ ماده پولیس قومیسر و قومیسر معاون
و پولیس مأمورلری کندولرینه طرف دولتدن
و یریلرک مچ و روولور و فشنگ کی اسلحه و اشیای
محافظه و حسن استعمال ایتمکه و انفصال ایدرلر ایسه
عیناً اعاده ایلکه مجبوردر .

۴۳ ماده پولیس مرکز و موقعلری ایچون
طرف دولتدن ایجابی قدر لوازم قرطاسیه و احراقیه
و غاز و مفروشات و یریلرکدر .

۴۴ ماده پولیس قومیسر و مأمورلردن ایفای
وظیفه اثناسنده خسته لنان ویا مضروب و مجروح
اوله رق محتاج تداوی بولنانلر منسوب اولدینی مرکز
قومیسری طرفندن و یریلرک مذکره اوزرینه
برای تداوی خانه سنه ویا خود بلدی ویا عسکری
خسته خانه سنه ارسال اولنور اوراده کندی خانه سی

ویا خسته خانه بولنز ایسه بر محل مخصوصه بلدی طینه تداوی ایتدیر یله رک معالجه بدلی ترتیب مخصوصدن ویریلور .

۴۵ ماده پولیس قومیسر ومأمور لر ندن عند الاجاب مأموراً بر محله اعزام اولنه جقلره قصه ومملکت خارجدن اعتباراً مأمورین ملکیه خرج راه قرارنامه سنه توفیقاً خرج راه ویریلور .

۴۶ ماده پولیس قومیسر ومأمور لر ندن مصالح ذاتیه ضمننده مآذوناً بر محله عزیمت ایده جکلره مأمورین ملکیه خرج راه قرارنامه سنه توفیقاً معاش ویریلور .

۴۷ ماده پولیس قومیسر ومأمور لر ندن مدت مآذونیتلری بلا معذرت تجاوز ایتدیره رک محل مأموریتیه عودت ایتیانلره اقتضای مدتدن اعتباراً مستغنی نظریه یاقیلور تجاوز مدتک اعذار واسباب مشروعهیه مستند اولدیفی اقتضای مدت مآذونیتدن مقدم بالمراجعه اوراق رسمیه ایله اثبات ایدنلر بومعامله دن استنا ایدیلور لر ایسه ده مدتک اقتضای ایله عودت تاریخی آره سنده کی مدت معاشی آله میوب معاشه تاریخ عودت لر ندن اعتباراً مستحق اولور لر . (مابعدی وار)

محاکمه قاضی قاضی

محکمه تمیز حقوق دائره سنندن تنظیم واعطا اولنان اعلامدر :

قونیه ولایتی داخلنده انطالیه قصبه سنده ساکن تجاردن لوقه ایله ینه قصبه مذکوره ده مقیم تجاردن حاجی کریاقو بیننده متحدث دعویاه دائر تکه سنجایی تجارت محکمه سنندن ۲۱ شباط سنه ۳۱۶ تاریخی ویکرمی طقوز عددی ایله ویریلان اعلام مرقوم لوقه طرفندن تمیز ایدلکه اعلام مذکور طرفینک اعتراض وجواب لایحه لر یله بالمطالعاه تدقیقات تمیزیه اجراسنه ابتدار قلندی .

اعلام مذکورک خلاصه مآلی مرقوم حاجی کریاقونک مرقوم لوقه ایله حاجی واسیلی نام کسنه ذمتلرنده یکدیگره کفیل اوله رق بر قطعه سند مو- جنبه غیرت تسلیم آله جفی اولان طقوز بیک ایکی یوز الی یدی غروش ومال بدلی اوله رق آچقندن طلب ایدلکی بیک ایکی یوز کسور غروشک اصل وکفیل صفتیه مرقوم لوقه دن مع فاض تحصیلی طلب ودعوی ومذکور سندی ابراز واعطا ایتسنه قارشو مدعی علیه لوقه دخی مدعینک متبای ادعا ایدلکی

ردیغی با عرضحال طلب وادعا ایتسنه مبنی محکمه جه مرقومان لوقه واسیلیک آلتی آئی بلا عذر تعقیب دعوی ایتملرندن طولانی اعتراض ودخالت استدعای- ینک ردیه حق محاکمه نک سقوطه حکمدن ومستدعی تمیز مرقوم لوقه نک اشو حکم علیه نه لایحه سننده محرر باشلوجه اعتراضی کندوسنک اعتراض علی الحکم وشخص ثالث مرقومک دخول فی الدعوی استدعاری محکمه جه قبول واعلام معترض هک فسخته وشخص ثالث مرقومک ابراز ایده جکی اوراقل ورودینه وعکس تقدیرده منکر بولنان معترض علیه بین ویرلسنه قرار ویرلش ایکن شخص ثالث مرقومک خانه سنده ظهور ایدن حرقیده مذکور اوراق محترق اوله رق ابراز ایدمه مامسنه مبنی بر موجب قرار طرفینک جلبیله یتنک اجرایی لازم کلور ایکن آئی آئی تعقیب دعوی ایدمه سنندن ناشی حق محاکمه لرینک سقوطه قرار ویرلسی مغایر قانون اولدیفندن بخله اعلام مذکورک تقضی ومدعی علیه ک نتیجه جوابی دخی سرد ایدیلان اعتراضک واهی اولدیفی بیانیله ردی واعلامک تصدیقی طلبندن عبارت بولنشدنر .

ایجابی مذاکره اولندقه اعلام مذکور مطالعه- سندن آکلاشادیفی اوزره بدایه معترض بولنان مرقوم لوقه ایله شخص ثالث واسیلیک آئی ماهی متجاوز برمدت طرفنده تعقیب دعوی ایتملرینه بناء رداستدعایله مرقوم لوقه نک حق محاکمه دن سقوطه قرار ویرلش ایسه ده محاکم ابتدایه ده آلتی آئی تعقیب دعوی ایدلماسنک حقوق طرفیه تأثیری اولیوب آنجیق محکمه جه ربع خرجک ایراد قیدیه استدعایک ابطالندن عبارت وتدابیر اداره دن معدود اولسنه کوره محکمه جه آلتی آئی عدم تعقیبک ابطال استدعا ایله برابر حق محاکمه نک سقوطه سبب عد ایدلسی مغایر قانون اولدیفندن اصول محاکمه حقوقی قانونک ایکی یوز اوتوز ایکنجی ماده سی موجبجه اعلام مذکورک نقضیه قانون مذکورک ایکی یوز قرق بشنچی ماده سی حکمنه توفیقاً کیفیتک اولوجه بالرویه اعلامه رابطی ضمننده محکمه مذکوره به عاده سنه ودرت یوز آئی بحق غروش مصارف تمیزیه نک ایلروده حقسز چیقه حق طرفه عائد اولق اوزره اول امرده مستدعی تمیزدن آلتسنه ۳ تشرین اول سنه ۳۱۷ تاریخنده متفقاً قرار ویرلدی .

محکمه تمیز استدعا دائره سنندن تنظیم واعطا قننان اعلامدر :

جبل لبنان استیناف محکمه سی جزا دائره سنندن

لاحق اولوب ۸ مایس سنه ۳۲۲ تاریخنده تفهیم قننان وظیفه قرارینی حاوی اعلامک تمیزی مستدعی سعید خطار طرفندن ویریلان ۱۰ مایس سنه ۳۲۲ تاریخی استدعاینامه واوراق مغرعه سی باش مدعی عمومیک مأموریت بهیسنک ۱۷ تموز سنه ۳۲۳ تاریخی تبلیغنامه سی ایله محکمه تمیز استدعا دائره سنه تودیع اولنیش ولدی التدقیق مذکور استدعاینامه نک مدت معینیه سی ظرفنده ویرلیدی وشرايط قانونیه نی جامع ایدوکی اکلاشلمش اولدیفندن قبولیه تدقیقات تمیزیه اجراسنه ابتدار اولندی .

اعلام مذکورک مآلی بر طریق تخریبی ماده سنندن طولانی صالح واغلاری خلیل ودوماط حقلرنده سعید خطار طرفندن اقامه اولنان دعوا نک رؤیتی صلاحیتی داخلنده اولدیفنه دائر شوف قضای بدایت محکمه سی جزا دائره سنندن تنظیم واعطا قننان اعلامک استیناف ایدلسی اوزرینه جریان ایدن تدقیقات نتیجه سننده حق مروره متعلق بر اختلافدن عبارت اولان ذات دعوا دن طولانی اول امرده حقوق محکمه سنه مراجعت اولنقی لازم کله جکی بیانیله اعلام مستألف هک فسخ ایدیلرک جزا جهتنک تأخیر رویتنه قرار ویرلیدی متضمندر .

لایحه تمیزیه ده مندرج اعتراضاتک خلاصه سی مظنون علیه مک حق مروری بولنان طریق تخریبیه مجاسر تلری کشف راپوریه مثبت اولوب شو حاکم کنلری ده افعال منوعه دن اولدیفی حالده محکمه استینافیه جه بره نوال محرر قرار ویرلسی مغایر قانون اولدیفندن بخله اعلام مذکورک تقضی طلبندن عبارت بولنش وتبلیغنامه دخی اعلام مذکور مندرجاتنه نظراً اعتراضات واقعه نک غیر وارد ایدوکی بیانیله تمیز استدعاینامه سنک ردی لازم کله جکی کوسرلمشدر .

ایجابی لدی المذاکره محکمه بدایته مدعی شخصی صفتیه مراجعت ایدن سعید خطارک شکایت واقعه سی حق مروری اولان طریق مظنون علیه مک تخریب ایدلکرنندن بخله حقلرنده مقتضی معامله قانونیه نک اجرایی طلبندن عبارت بولنش وبوکا قارشو مظنون علیه طرفلرندن دخی تخریب ایدلکی در میان اولنان حاکم تملکرنده اولوب اوراده اساساً طریق موجود اولدیفی ومشتکی مرقومک دیگر موقعه حق مروره مالک اولدیفی جهته کندو ملککرندده اجرا ایتدیردکلری انشا آدن طولانی ایشک حقوق عمومیه نقطه سنندن تعقیب اولنمه جفی بیانیله سرد مدافعات ایدلش اولسنه وطرفینک شو افاداتندن متفهم اولدیفی اوزره مشتکی سعید خطارک ادعا ایتمکده اولدیفی حق مرورک حقوق محکمه سنجه ثبوت

وتحقق حالنده دخی مظنون علیه مک در میان اولنان فعل وحاکمک آخرک ملکنده اجرای تخریبیات قیلندن اولیوب مشتکی مرقومک حق مروری استعماله مانعت نتیجه سی تولید ایدرک بوده محکمه مروره دن مانعت واقعه نک رفی فقره حکمیه سی محتوی استحصال اولنه حق اعلامک علی الاصول موقع تنفیده وضعی صورتیه بر طرف اولسی طبعی بولنان مسائل حقوقیه جمله سنندن بولنسنه کوره محکمه استینافیه جه کیفیتک بولنده اعلامه رابطی لازم کلور ایکن شو ماده دن طولانی اول امرده حقوق محکمه سنه مراجعت اولنقی اوزره جزا جهتنک تأخیر رویتنه قرار ویرلسی مغایر اصول وقانون اولدیفندن اسباب مسرووده دن ناشی اعلام استینافی مذکورک نقضه ۱۲ ایلول سنه ۳۲۳ تاریخنده متفقاً قرار ویرلدی .

حلم اوغل عمری قتل ایتدیکی ادعا اولنسندن دولایی جنایتله اتهام اولنان شعبان بن عثمانک اون بش سنه ۱۰ تله کورک قولنسنه دائر قوصوه ولایتی استیناف محکمه سی جزا دائره سنندن ویریلان ۱۰۱ نومرولی اعلام محکمه تمیز جزا دائره سنجه تصدیق قلنمشدر .

اعلانات

در سعادت منابت محکمه سننده :

درت سنه مقدم مصره صاوشه رق تهدید آمیز مکتوب ارسالیله آرام صوغا نیچایدن یکرمی بش لبرا طلب ایدلکی اداسیله متهم بولنان واوصاف لازمه سی غیر مضبوط اولان آرام قزازیان نام شخص در دست اولنه مامش اولدیفندن تاریخندن اعتباراً جانب ریاستدن کندوسنه مجدداً اون کون مهل اعطا قلنمشدر مهل معین ظرفنده محکمه به کلیدیکی حالده قانونه اطاعت ایتماش نظریه یاقیلورق حقوق مدنیسنه دن اسقاط قلنه جفی وعلیه نه دعوا به قیام اولنه جفی ومحاكمه غیایه سی ائنده اموالک جز آلتنه آله جفی وبو- صره ده برکونه ادعا به حق اولمه جفی وبالمجله ضابطه عدلیه مأمور لرینک کندوسنی طومغه مجبور بولندقلری کی معاملات جزیه حقنده دخی مدعی عمومیکه تبلیغات مقتضیه اجرا ایدلکی جهته اصول محاکمات جزائی قانونک اوچیوز یتش برنجی واوچیوز یتش ایکنجی ماده لرندن استنباط اولنان احکامه توفیقاً اشو قرارنامه بالتظیم اعلان اولنور .

نجات بحیر محکمه سننده :

لنقه ده مغازه لرنده ساکن ایکن تجارت بحیره

محکمه سنندن افلاسنه حکم اولنیش اولان آ . وق . مانچوریدی برادرلر شرکتک خصوصات افلاسنه سنک رؤیت وتسویه سی ضمننده دعوی وکیللرندن ماناس اقدی اصالة سندیک تعیین قلنمش اولدیفندن مفلس مرقوم ذمتنده آله جفی اولانلرک قانوننامه تجارتک ۱۹۹ و ۲۰۰ نجی ماده لری موجبجه تحقیق دیون ایچون تاریخ اعلاندن اعتباراً یکرمی برکون ظرفنده سنداتی محکمه کاتبه تسلیم ایللری ومدت مذکوره ختامندن صکره اوچ کونده یعنی ۳۲۳ سنه سی کانون اولنک یکرمی یدنجی پنجنه یکرمی طقوزنجی جمعه ایرتسی واوتوز برنجی بازارا یرتسی کونلری تجارت بحیره محکمه سنک مصالح افلاسیه رویتنه مخصوص اوطه سنه کلرک سندیک اقدیلر مواجهه سننده آله جقلری اثبات وقید وتصدیق ایتدیرملری ومدت مذکوره اثبات وجود ایده میان آله جقلورلر حقنده قانون مذکورک ۲۱۰ نجی ماده سنه توفیقاً ایقای معامله اولنه جفی اعلان اولنور .

بلک اوغلنده مولیخانه قارشوسنده ۶ نومرولی دکانه ساکن ایکن تجارت بحیره محکمه سنندن افلاسنه حکم اولنیش اولان کتابچی صوبیر یوس ناروسک ذمتنده آله جفی اثبات ویاموقتاً قبول وقید ایتدیرمش اولان آله جقلورک قانوننامه تجارتک ۲۱۱ نجی وآئی ولی ایدن ماده سی موجبجه مفلس طرفندن تکلیف اولنه جفی قوتقورداونک مذاکره سی ایچون ۳۲۳ سنه سی کانون اولنک التبی پنجنه کونی محکمه مذکوره نک مصالح افلاسیه رویتنه مخصوص اوطه سنه کلری اعلان اولنور .

ایکینجی نجات محکمه سننده :

در سعادتده میدانجقه آستارجیان خاننده ۱۰ نومرولی یازنیخانه ده قومیسر ونیچقله مشغول ماوردینک ۲۹ تشرین ثانی سنه ۳۲۳ تاریخندن اعتباراً اعلان افلاسنه ومصالح افلاسیه نک رؤیت وتسویه سی ضمننده اعضا ملازمی بدوساکی اقدینک ژوز قومیسر ودعوی وکیللرندن آنکلوس واوده سیا اقدیلرک موقت سندیک تعیینلرینه ومغازه سیله اشیای زائده بیته سنک تمهیرینه واوراق ودفاترنک جلبه وکفالت مصدق اراه ایده مدیکی تقدیرده حبس وتوقیفه ویوبایده کی قرارداد موقتاً اجراسنه ایکنجی تجارت محکمه سنجه قرار ویرلش اولدیفندن قانوننامه تجارتک ۱۷۰ نجی ماده سی موجبجه دائمی سندیکلر انتخاب اولنقی اوزره اشو ۳۲۳ سنه سی کانون اولنک اون اوچنجی پنجنه کونی ساعت یدی راده لرنده

اصحاب مطلوبك محكمه مذكوره مك مصالح افلاسيه
رؤيته مخصوص اوطه سنه كلري اعلان اولنور .

در سعادتده محمود پاشا جوارنده قاطرجى اوغلى
خاننده ۱۶ نومرولى مغازده مقيم مانيفاطوره تجارتيه
مشتغل قره قاش نصيب افدينك ۳ كانون اول سنه
۳۲۳ تاريخندن اعتباراً اعلان افلاسنه ومصال
افلاسيه نك رؤيت وتسويه سى ضمنده اعضاي محكمه دن
يا تقو افدينك ژور قوميسر ودعوى وكيللرندن قدرى
بك ايله مهران كورپه يان افدينك موقت سنديك
تعيينلرينه ومغازه سيله اشياى زائده بيتيه سنك تمهيري
واوراق ودفاترينك جلبنه وكفالت مصدقه ارايه
ايدمه ديكي تقديرده حبس وتوقيفه وبوباده كي قرارك
موقتاً اجراسنه ايكنجى تجارت محكمه سنجه قرار
ويرلمش اولديغندن قانوننامه تجارتك ۱۷۰ نجى ماده سى
موجبجه دائمي سديكلر انتخاب اولنق اوزره ۳۲۳
سنه سى كانون اولنك اون طقوزنجى بازارايرتسى كوني
ساعت التى راده لرنده اصحاب مطلوبك محكمه
مذكوره نك مصالح افلاسيه نك رؤيته مخصوص
اوطه سنه كلري اعلان اولنور .

درعليه ده سعديه خاني آلتنده مقيم تحفيه تجارتيه
مشتغل ژ . آرزومانك ۵ كانون اول سنه ۳۲۳
تاريخندن اعتباراً اعلان افلاسنه ومصال افلاسيه نك
رؤيت وتسويه سى ضمنده اعضاي محكمه دن عزتو
سايح بكك ژور قوميسر ودعوى وكيللرندن سليم
حسنى وشمعون لوى ونيقولا كي لغوتى افديلك موقت
سنديك تعيينلرينه ومغازه سيله اشياى زائده بيتيه سنك
تمهيري نه واوراق ودفاترينك جلبنه وكفالت مصدقه
ارائه ايدمه ديكي تقديرده حبس وتوقيفه وبوباده كي
قرارك موقتاً اجراسنه ايكنجى تجارت محكمه سنندن
قرار ويرلمش اولديغندن قانوننامه تجارتك ۱۷۰ نجى
ماده سى موجبجه دائمي سديكلر انتخاب اولنق اوزره
اشبو ۳۲۳ سنه سى كانون اولنك اون طقوزنجى
چهارشنبه كوني ساعت يدي زاده لرنده اصحاب
مطلوبك محكمه مذكوره نك مصالح افلاسيه رؤيته
مخصوص اوطه سنه كلري اعلان اولنور .

در سعادت اعمال نظاميه اجرا دائره سنده :

واسيل ولد آندونك فاطمه نبيه خانم ذمتده
محكوم به آله جنى اولان مبالغدن طولاي حكماً محجوز
ووالده سنندن انتقالاً متصرفه اولدينى ابراهيم پاشاى
عتيق محله سننده فنجانجيلر يقوشنده تخميناً اون ايكي
بيك يكرمى درت آرشون عرصه ودروننده ايكي
طاش اوطه واخشاب قهوه خانه ودروننده برماصوره

ماء لذيدى حاوى اون درت نومرولى عرصه نك
مقاطعه لو محلك التى يوز قرق التى مليون التى يوز اللى ايكي
بيك يوز التمش سهم اعتباريله بش مليون يوز اللى
بربيك يديوز التمش ايكي سهمى ايله وقف محلك
اوتوز بش حصه اعتباريله بر حصه سى اجرا قلنان
مزايده نتيجه سننده ليراي عثمانى يوز غروش حسابيله
بيك اللى غروشنده طالبي عهده سننده تقرر ايدمه رك
موقتاً قراردادده سى كشيده قلنمش اولديغندن يوزده
بش ضم ايله طالب اولانلرك تاريخ اعلاندن اعتباراً
نهایت اوتوز بر كون ظرفنده در سعادت اعلامات ونظاميه
اجرا دائره سنه ويا مدت مذكوره ختامنده قرار
قطعي سى ويريله جك اولان مذكور عرصه پيشكاهنه
مراجعت ايللرى اعلان اولنور .

واسيل ولد آندونك محمد ناظم بك ذمتده
محكوم به آله جنىك تأمینی ايچون حكماً محجوز
ووالده سنندن انتقالاً متصرف اولدينى ابراهيم پاشاى
عتيق محله سننده فنجانجيلر يقوشنده تخميناً اون ايكي
بيك يكرمى درت آرشون عرصه اوزرنده ايكي طاش
اوطه واخشاب قهوه خانه ودروننده برماصوره ماء لذيدى
حاوى اون درت نومرولى عرصه نك مقاطعه لو محلك
التى يوز قرق التى مليون التى يوز اللى ايكي بيك يوز
التمش سهم اعتباريله اون مليون اوچيوز اوچ بيك
بشيوز يكرمى درت سهمى ايله وقف محلك اوتوز
بش حصه اعتباريله بر حصه سى اجرا قلنان مزايده
نتيجه سننده ليراي عثمانى يوز غروش حسابيله ايكي
بيك يوز غروشنده طالبي عهده سننده تقرر ايدمه رك
موقتاً قرار داده سى كشيده قلنمش اولديغندن يوزده
بش ضم ايله طالب اولانلرك تاريخ اعلاندن اعتباراً
نهایت اوتوز بر كونه قدر در سعادت اعلامات نظاميه
اجرا دائره سنه و مدت مذكوره ختامنده قرار
قطعي سى كشيده ايديله جك اولان مذكور عرصه
پيشكاهنه مراجعت ايللرى اعلان اولنور .

يان تجارت محكمه سنده :

يافه چارسوسننده ذكر يولنده كي مغازده مقيم
وتجارتله مشغول تبعه دولت عليه دن يافه لى
خواجهات عسيلي اخوانك ۲۱ تشرين اول سنه ۳۲۳
تاريخندن اعتباراً اعلان افلاسنه ومصال افلاسيه نك
رؤيت وتسويه سى ضمنده اعضاي محكمه دن رفعتو
يوسف طلاماس افدينك ژور قوميسر ودعوى
وكيللرندن عارف ايله تجارندن ايليا ظريفى افديلك
موقت سنديك تعيينلرينه ومغازه سيله اشياى زائده
بيتيه سنك تمهيري نه واوراق ودفاترينك جلبنه وكفالت

مصدقه ارايه ايدمه مدكلرى تقديرده حبس وتوقيفه
وبوباده كي قرارك موقتاً اجراسنه يافه تجارت محكمه سنجه
قرار ويرلمش اولديغندن قانوننامه تجارتك ۱۷۰ نجى
ماده سى موجبجه دائمي سديكلر انتخاب اولنق اوزره
اشبو ۳۲۳ سنه سى تشرين تانيسنك اون بشنجى پنجشنبه
كونى ساعت آلتى راده لرنده اصحاب مطلوبك محكمه
مذكوره نك مصالح افلاسيه رؤيته مخصوص اوطه سنه
كلري اعلان اولنور .

قرتال قضاسى بدایت محكمه سى اجرا دائره سنده

قرتالده نيقولينك خانه سننده موقتاً ساكن دعوى
وكيللرندن قوم قپولى يوركي قره ينا كينك قرتالده
سروى زقاغنده ۲۸ نومرولى خانه ده موقتاً ساكن
قديليلى باغچوان ديمتري ولد استغان وزوجه سى
صوفيه علينه قرتال بدایت محكمه سى حقوق دائره سنندن
استحصال ايلديكى برقطعه اعلام غيايى صورتلرى
مدعى عليهما ديمتري وصوفيه نك وقوع وفاتلرينه مبنى
ورثه سى اوغلى خرستو وكريمه لرى اورانيا ورسايله
تبليغ اولنه رق مزبورانك باسند مصدق وكيلى
قرتالده مقيم دعوى وكيللرندن محمد ثروت بك طرفندن
اعتراض دعوى اولنغله معترض عليك دخى وفاتى
حسيله وارثلرى در سعادتده صالمة طمرقه بلانومرو
خانه ده ساكنه بيوك كريمه سى اناستاسيه ايله صغيره
كريمه لرى ماريغه ونافتاليه ايله صغير مخدوملرى ايليا
ولتيادينك وصيه سى مزبوره اناستاسيه فامنه تسطير
اولنان جلبنامه ظهريه محله سى روم مختارى ايله
مباشرى طرفندن ويريلان شرحده مزبوره نك محل
اقامتى مجهول اولدينى بيان قلنمش ومعترض وكيلى
ثروت بك مزبوره نك اعلانات لازمه اجراسيله
محكمه يه دعوت ايدلسنى طلب ايلمش اولديغندن اصول
محاكمه حقوقيه قانونك يكرمى التنجى ماده سنك فقره
اخيره سى موجبجه اناستاسيه حقه ده كي دعوتيه
ورقه سنك برنسخه سنى محكمه ديوانخانه سنه تعليقه
وبر صورتنك ده غزته ايله اعلاننه قرار ويرلمش
و محاكمه نك كانون اولك يكرمى درنجى بازارايرتسى
كونى ساعت التيده اجراسى تنسيب ايدلمش اولديغندن
يوم ووقت مذكوره مزبوره نك قرتال قضاسى
بدایت محكمه سى حقوق دائره سننده بالذات حاضر
بولنمى وياخود مصدق بروكيل كوندرمى وعكس
حاله احكام قانونيه يه توفيقاً محاكمه نك غياباً فصل
ورؤيت اولنه جنى اعلان اولنور .